



ATASSUT INATSIARTUNI

ATASSUT

Imm. 2014/09

Gerhardt Petersen

27.01.14

Naalakkersuisunik qinersineq.

(Naalakkersuisut Siulittaasuat)

Naalakkersuisunik qinersinermut atatillugu Inatsisartut immikkut ataatsimiinneranni ATASSUT-mit oqaaseqaatissagut partiitsinni sukumiisumik oqallisigereerlugit aammalu sukumiisumik nalilersuilluareerluta matumuuna Inatsisartoqatitsinnut apuutissavagut:

ATASSUT-mit kissaatigivarput inuiaqatigiittut ineriartornerput akisussaassusilimmik ingerlanneqassasoq.

ATASSUT-mit kissaatigivarput sutigut tamatigut nammineq ilusilersukkatsinnik inuiaqatigiittut nunarput ineriartortissagipput.

ATASSUT-mit kissaatigivarput nunarput aningaasarsiornikkut annertunerpaamik patajaallisarneqassasoq.

ATASSUT-mit kissaatigivarput nunatsinni innuttaasut sumiikkaluarunilluunniit pisortanit naapertuuttumik aammalu naligiisumik sullinneqassasut.

ATASSUT-mit kissaatigivarput nunatsinni innuttaasut pisortanit kiffartuunneqarnerat pitsaanerpaatinneqassasoq.

ATASSUT-mit kissaatigivarput nunatsinni inuussutissarsiutitigut ineriartorneq sinaakkutarissaartinneqassasoq.



ATASSUT INATSIARTUNI

ATASSUT-mit kissaatigivarput ullumikkut innuttaasunut atugassarititaasut pitsanngorsarneqartariaqarfiisigut pitsanngorsarneqassasut.

ATASSUT-mit kissaatigivarput siunissami kinguaatta nuna naalackersuinikkut aningaasarsiornikkullu patajaatsumik tunngavilik kingornutissagaat.

Kissaatigut tamakku uagutsinnut pingaaruteqarluinnartut pitsaanerpaamik angusaqarluarlutalu naammassisinnaajumallugit Naalackersuisooqatigiinnermi isumaqatigiissut tunngavigalugu sulinerup nangittumik ingerlanneqarnissaa kissaatigaarput.

Ukiup ataatsip ingerlanerani Naalackersuisooqatigiinnermi pisartut iluarisimaakkagut pitsaanerusariaqartutullu nalilikkagut ATASSUT-mit unneqqarilluta isertuanatalu Naalackersuisooqatitsinnut apuuttarpagut, ilaatigullu pitsaasup tungaanut saattoqarnissaanik piumasaaqateqartarluta.

Iluarisimaaqisatsinnik piumasaaqatigut Naalackersuisooqatigisatta tusaalluartaarpat aammalu iluarsisarialittut nalilikkavut pimoorullugit sulissutigineqartarput.

Taamaammat ataatsimut tamaasa isigalugit nalilersuinitinni ATASSUT-mit inerniliussarput tassaavoq inuiaqatigiit Kalaallit Nunattalu naalackersuinikkut sullinneqarnerat Naalackersuisooqatigiinnermi isumaqatigiissummik aallaaveqartoq nangittumik tunuliaqutaaffiginissaanut nukigut tamakkiisumik atussagigut.

ATASSUT-mit ajuusaarutigalugu paasivarput Aalisarnermut Piniarnermut Nunalerinermullu Naalackersuisup massakut tunuarsimalersup akisussaaffigisaanik ilaatigut sinerissap qanittuani qaleralittassanik pisassiinermut tunngatillugu kukkusoqarsimasoq.

ATASSUT-mit akisussaasup akisussaaffini naapertorlugu tunuarnera pissusissamisoortut aammalu avaqqunneqarsinnaanngitsutut nalilerparput, Naalackersuisuusimasorlu piffissami sivikikkaluartumi sulilluarsimanagera pillugu qujassuteqarfigissavarput.



ATASSUT INATSIARTUNI

Naalakkersuisut Siulittaasuata Aalisarnermut Piniarnermut Nunalerinermullu

Naalakkersuisunngortissallugu innersuussutigisaa ATASSUT-mit tamakkiisumik taperserparput.

ATASSUT-mit qularutiginnilarput Naalakkersuisunngortussaq suliassaqrarfiup iluani misilittagartuullunilu inuussutissarsiutit pineqartut sinaakkutarissaartinneqarnissaannik pingaartitsisuunera inuussutissarsiummik ingerlatsisut iluaqutigilluassagaat.

Taamatutaaq Naalakkersuisut sinnerisa taamatut inissisimallutik ingerlaqqinnissaat ATASSUT-mit akuersaarparput Naalakkersuisullu sulilluarnissaannik kissaappagut.

Qujanaq.